

Izveštaj o radu Uprave policije MUP-a Kantona Sarajevo za mjesec april 2020. godine

KRIMINALITET

STATISTIČKI POKAZATELJI

U mjesecu aprilu 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 257 događaja sa obilježjem krivičnog djela (što je 98 ili 27,6% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 128 ili 49,8% je evidentirano po poznatom izvršiocu, a 129 ili 50,2% po nepoznatom izvršiocu.

Od ukupno 129 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 35 ili 27,1% (što je za 11,5% manje u odnosu na uporedni mjesec) od čega je 16 događaja evidentirano u mjesecu aprilu, a 19 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 171 obavijest (39 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU APRILU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
APRIL 2020. GODINE	257	128	129	35	19	148	0	98	60
APRIL 2019. GODINE	355	166	189	73	31	206	4	134	96
<i>uporedba</i>	-98	-38	-60	-38	-12	-58	-4	-36	-36
	-27,6%	-22,9%	-31,7%	-52,1%	-38,7%	-28,2%	---	-26,9%	-37,5%

U toku mjeseca aprila ove godine prijavljeno je 148 lica (58 manje), od kojih je 98 povratnika (36 manje) (ili 66,2% od ukupnog broja prijavljenih lica), a 60 lica je lišeno slobode (36 manje). U izvještajnom mjesecu nije bilo evidentiranih maloljetnih lica.

Za događaje sa obilježjem krivičnog djela, koji su evidentirani u mjesecu aprilu 2020. godine, prema izjavama oštećenih lica, nastupila je materijalna šteta u ukupnom iznosu od 360.234,15 KM.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU APRILU 2020/19. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a**

KZ FBiH-a i KZ BiH-a	APRIL 2020. GODINE	APRIL 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
PROTIV ŽIVOTA I TIJELA	12	12	0	isto	11	1	0	0%
PROTIV SLOBODE I PRAVA ČOVJEKA I GRAĐANINA	11	16	-5	-31,3%	10	1	0	0%
PROTIV SPOLNE SLOBODE I MORALA	0	1	-1	---	0	0	0	---
PROTIV BRAKA, PORODICE I MLADEŽI	26	24	2	8,3%	26	0	0	---
PROTIV ZDRAVLJA LJUDI	33	51	-18	-35,3%	33	0	0	---
PROTIV PRIVREDE, POSLOVANJA I SIGURNOSTI PLATNOG PROMETA	0	1	-1	---	0	0	0	---
PROTIV IMOVINE	145	208	-63	-30,3%	21	124	35	28,2%
PROTIV OKOLIŠA, POLJOPRIVREDE I PRIRODNIH DOBARA	0	1	-1	---	0	0	0	---
PROTIV OPĆE SIGURNOSTI LJUDI I IMOVINE	7	10	-3	-30%	4	3	0	0%
PROTIV SIGURNOSTI JAVNOG PROMETA	6	5	1	20%	6	0	0	---
PROTIV JAVNOG REDA I PRAVNOG PROMETA	10	19	-9	-47,4%	10	0	0	---
PROTIV PODMIĆIVANJA I KD PROTIV SLUŽBENE I ODGOVORNE FUNKCIJE	4	3	1	33,3%	4	0	0	---
ZONDINOIM-a (Sl.novine Kantona Sarajevo br. 01/18)	3	4	-1	-25%	3	0	0	---
UKUPNO	257	355	-98	-27,6%	128	129	35	27,1%

U mjesecu aprilu 2020. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 98 ili 27,6%. Najznačajnija smanjenja su zabilježena u oblastima protiv imovine (za 63 događaja), zdravlja ljudi (za 18), javnog reda i pravnog prometa (za devet događaja), itd., dok su povećanja evidentirana u oblastima protiv braka, porodice i mladeži (za dva događaja), sigurnosti javnog prometa i „podmićivanja“ (za po jedan događaj).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom aprila 2020. godine evidentirano je 12 događaja sa obilježjem krivičnog djela iz oblasti protiv života i tijela (isti broj kao u mjesecu aprilu 2019. godine) i to 11 po poznatom i jedan po nepoznatom izvršiocu. Evidentirani su slijedeći događaji:

- ubistvo u pokušaju (član 166. KZ FBiH u vezi člana 28.) - četiri (nije bilo ovih događaja),
- ubistvo u podstrekavanju (član 166. KZ FBiH u vezi člana 32.) - jedan (nije bilo),
- teška tjelesna ozljeda (član 172. KZ FBiH) – pet (dva više) i
- lahka tjelesna ozljeda (član 173. KZ FBiH) – tri događaja (tri manje u odnosu na april 2019.godine).

Nadležnom tužilaštvu podneseni su službeni izvještaji protiv devet lica, od koji je sedam povratnika ili 77,8%, a šest je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 11 događaja sa obilježjem krivičnog djela (pet manje) i to ugrožavanje sigurnosti. U ovoj oblasti evidentirano je 10 lica, od kojih je sedam povratnika (ili 70%).

Događaji sa obilježjem krivičnog djela ugrožavanja sigurnosti u kojima su izvršioци upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu aprilu evidentirano je 26 događaja sa obilježjem krivičnog djela (dva više) i to - nasilje u porodici – 24, nasilje u porodici u saučiniteljstvu i izbjegavanje izdržavanja – po jedan događaj, za čije izvršenje je prijavljeno 26 lica, od kojih je 12 povratnika (ili 46,2%), a 11 lica je lišeno slobode.

PROTIV ZDRAVLJA LJUDI

Evidentirana su 33 događaja sa obilježjem krivičnog djela iz oblasti protiv zdravlja ljudi (18 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – šest,
- posjedovanje i omogućavanje uživanja opojnih droga (čl. 239. KZ FBiH) – 27.

Nadležnom tužilaštvu podneseni su službeni izvještaji protiv 33 lica, među kojima su 25 povratnika (ili 75,8%), a osam lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv šest lica zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“, od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 27 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, "Ecstasy", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU APRILU 2020/19. GODINE

vrsta opojne droge	APRIL 2020. godine	APRIL 2019. godine
Marihuana (paketići)	46	9
Marihuana (u gramima)	1.583,97	2.300
Speed (u gramima)	1,49	---
Amfetamin (paketići)	6	7
Amfetamin (u gramima)	210	---
pribor sa tragovima droge (komada)	2	---

U ovom mjesecu, evidentirana su 145 događaja sa obilježjem krivičnog djela protiv imovine (21 po poznatom i 124 po nepoznatom izvršiocu) što je za 63 ili 30,3% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 78 (31 manje),
- krađa (član 286. KZ FBiH) – 31 (šest manje),
- razbojništvo (član 289. KZ FBiH) – 13 (26 manje),
- oštećenje tuđe stvari (član 293. KZ FBiH) – 10 (jedan više),
- teška krađa u pokušaju (član 287. u vezi člana 28. KZ FBiH) – sedam (dva više), itd.

Nadležnom tužilaštvu podneseni su službeni izvještaji protiv 41-nog lica, od kojih su 32 povratnika (ili 78%), a 19 je lišeno slobode.

Od ukupno 124 događaja evidentirana po nepoznatom izvršiocu iz oblasti protiv imovine naknadno je rasvijetljeno 35 ili 28,2% što je za 7% manje u odnosu na april 2019. godine.

Tokom mjeseca aprila ove godine, prema objektima izvršenja teških krađa, 36 je izvršeno u stambenim objektima (pet više u odnosu na uporedni mjesec), 30 u poslovnim prostorima (devet više), 11 u motornim vozilima (otuđenja motornih vozila i “provale” u ista) (34 manje) i jedna na ulici – (sedam manje).

Takođe, evidentirano je pet otuđenja motornih vozila i sva su pronađena i vraćena vlasnicima (Uprava policije MUP-a KS-a pronašla je i vratila – četiri i MUP RS-a – jedno vozilo).

Broj otuđenih motornih vozila u odnosu na uporedni mjesec znatno je smanjen i to za 24 ili 82,8%.

Evidentiran je 31 događaj sa obilježjem krivičnog djela krađe (šest manje) i to u poslovnim prostorijama –13 put, na ulici – 12, u stambenim objektima - tri, itd. odakle su otuđivani novčanici, mobilni, prehrambeni proizvodi, bicikli, metalni profili, itd.

Evidentirana su tri događaja sa obilježjem krivičnog djela teških krađa na naročito opasan ili naročito drzak način (osam manje), u kojima su izvršiocu, upotrebom fizičke snage (otimanjem i trganjem), otimali mobilne, novac i tašne, a evidentirani su: dva puta na ulici i jedan u stambenom objektu. Nadležnom tužilaštvu podneseni su službeni izvještaji protiv jednog lica povratnika u činjenju krivičnih djela.

U mjesecu aprilu ove godine evidentirano je 13 događaja sa obilježjem krivičnog djela razbojništva (26 manje). Nadležnom tužilaštvu podneseni su službeni izvještaji protiv deset lica, od kojih je pet povratnika (ili 50%) i pet je lišeno slobode.

Od ukupno deset događaja razbojništva evidentiranih po nepoznatom izvršiocu, naknadno je rasvijetljeno šest ili 60% (što je za 13,9% više u odnosu na uporedni mjesec).

Razbojništva su izvršena prijetnjom upotrebe vatrenog oružja - tri puta, prijetnjom upotrebe noža ili drugog oštrog predmeta –pet i upotrebom fizičke snage – pet puta, a počinjena su u poslovnim prostorijama – šest puta, na ulici – dva, u stambenom objektu – dva, sportskim kladionici, u apoteci i na benzinskoj pumpi – po jedno. Otuđivani su mobilni i novac.

PROTIV OPĆE SIGURNOSTI LJUDI I IMOVINE

Iz ove oblasti evidentirano je sedam događaja (tri manje) i to: - izazivanje opće opasnosti – četiri, nesavjesno čuvanje pasa i drugih opasnih životinja - dva i teška krivična djela protiv opće sigurnosti ljudi i imovine – jedan događaj, a nadležnom tužilaštvu podneseni službeni izvještaji protiv šest lica, od kojih su dva povratnika, a četiri su lišena slobode .

Događaji sa obilježjem krivičnog djela izazivanje opće opasnosti evidentirani su na otvorenom prostoru, pri čemu je u tri slučaja pucano iz vatrenog oružja i u jednom je otvorenim plamenom izazvan požar. Posljedice navedenih događaja su ranjavanje jednog lica, nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je deset događaja sa obilježjem krivičnog djela (jedan više) i to: nasilničko ponašanje - pet, nedozvoljeno držanje oružja ili eksplozivnih materija – tri, krivotvorenje isprave i napad na službenu osobu u vršenju poslova sigurnosti - po jedan događaj.

Nadležnom tužilaštvu podneseni su službeni izvještaji protiv osam lica od kojih je pet povratnika (ili 62,5%), a pet je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu aprilu 2020. godine nisu evidentirani događaji sa obilježjem krivičnog djela u kojima su učestvovala maloljetna lica, dok u istom mjesecu 2019. godine evidentirana su četiri maloljetna lica i tri događaja sa obilježjem krivičnog djela.

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca aprila 2020. godine na području Kantona Sarajevo nisu evidentirani događaji aktiviranja minsko-eksplozivnih sredstava (nije bilo u aprilu 2019. godine).

Takođe, nisu evidentirane anonimne dojave o postavljenoj eksplozivnoj napravi (osam u aprilu 2019. godine).

POŽARI

Tokom mjeseca aprila 2020. godine, na području Kantona Sarajevo registrovano je 45 požara (23 više u odnosu na isti mjesec prethodne godine), koji su za posljedicu imali materijalnu štetu.

Prema statističkim pokazateljima, 19 požara je izazvano namjerno, 15 nehatom, jedan zbog tehničkih nedostataka, dok uzroci 10 požara spadaju u kategoriju ostalih.

Objekti registrovanih požara bili su:

- Saobraćajno sredstvo – četiri puta,
- Pomoćni objekat –tri,
- Stambeni objekat – dva,
- Magacin – dva,
- Šuma – 14,
- Ostali objekti – 20 puta.

SAMOUBISTVA

U mjesecu aprilu 2020. godine na području Kantona Sarajevo registrovana su četiri samoubistva (jedno više), koja su izvršena: skakanjem sa visine – tri puta i vješanjem – jednom. Svi izvršioци su muškarci starosne dobi: preko 50 godina – tri lica i od 40 do 50 godina – jedno lice.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je sedam pušaka, tri pištolja, osam ručnih bombi, jedan nož i 929 komada municije raznog kalibra.

Tokom mjeseca aprila ove godine fizičkim licima izdato je 36 odobrenje za nabavku vatrenog oružja i 24 oružna lista.

JAVNI RED I MIR

U toku mjeseca aprila 2020. godine u oblasti protiv javnog reda i mira evidentirano je **2.469 prekršaja** (2.127 ili 621,9% više u odnosu na isti mjesec 2019. godine), a za izvršenje navedenih prekršaja prijavljena su **2.472 lica** (2.096 ili 557,4% više).

Zbog učinjenih prekršaja u oblasti protiv javnog reda i mira izdat je 2.261 nalog i podneseno je 208 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 2.388 prekršaja (ili 96,7%), a na prekršaje koji su utvrđeni Odlukom općinskih vijeća o javnom redu i miru 81 ili 3,3%.

Od ukupnog broja prijavljenih lica, 82 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi između 26 i 35 godina (942), između 19 i 25 godina (780), preko 36 godina (747) i tri su do 18 godina.

Prilikom narušavanja javnog reda i mira u mjesecu aprilu 2020. godine, nije bilo teže povrijeđenih lica (kao ni u istom mjesecu 2019. godine), dok su tri lica (pet manje) lakše povrijeđena.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC APRIL 2020/2019.GODINA

PREKRŠAJI IZ ZAKONA O JRIM:	APRIL 2020.	APRIL 2019.	+, -, %
<i>- Tuče</i>	16	28	-12 ili 42,8%
<i>-Naročito drsko ponašanje</i>	20	34	-14 ili 41,2%
<i>-Odbijanje naređenja i omalovaž. pol. služb.</i>	919	35	+884 ili 2.525,7%
<i>-Neovlaštena upotreba oružja</i>	---	1	-1
<i>-Paljenje petardi</i>	---	---	---
<i>-Prosjačenje</i>	27	146	-119 ili 81,5%
<i>-Svađa, vika, nepristojno ponašanje</i>	4	5	-1 ili 20%
<i>-Uživanje opojne droge na javnom mjestu</i>	2	---	+2
<i>-Ostali prekršaji iz Zakona o JRiM</i>	1400	48	+1.352 ili 2.816,7%
Prekršaji prema Odluci općinskog vijeća o JRiM	81	45	+36 ili 80%
ukupno	2.469	342	+2.127 ili 621,9%

Prema vrsti prekršaja, najbrojniji su sljedeći prekršaji: odbijanje naređenja i omalovažavanje policijskih službenika (919 ili 37,2% od ukupnog broja), prosjačenje (27 ili 1,1%), naročito drsko ponašanje (20 ili 0,8%), tuče (16 ili 0,6%), svađa, vika, nepristojno ponašanje (četiri ili 0,2%) i uživanje opojne droge na javnom mjestu (dva). Takođe, evidentirano je 1.400 prekršaja iz kategorije ostali prekršaji i 81 prekršaj koji su regulisani Odlukom općinskih vijeća.

U odnosu na isti mjesec 2019. godine znatno je povećan broj prekršaja učinjenih odbijanjem naređenja i omalovažavanjem policijskih službenika za 884 ili 2.525,7%, uživanje opojne droge na javnom mjestu za dva, ostali prekršaji iz Zakona o JRiM za 1.352 ili 2.816,7% i prekršaji prema Odluci općinskog vijeća o JRiM za 36 ili 80%, dok je smanjen broj prekršaja učinjenih prosjačenjem za 119 ili 81,5%, naročito drskim ponašanjem za 14 ili 41,2%, tučom za 12 ili 42,8%, svađom, vikom, nepristojnim ponašanjem za jedan ili 20% i neovlaštenom upotrebom oružja za jedan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (2.454 ili 99,4%), a znatno manje u ugostiteljskim objektima (šest ili 0,2%), u školama i školskim dvorištima (jedan), a na ostalim mjestima osam prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC APRIL 2020/2019. GODINE

MJESTO IZVRŠENJA	APRIL 2020.	APRIL 2019.	+ - %
Ugostiteljski objekti	6	16	-10 ili 62,5%
Ulice i drugi otvoreni prostori	2.454	311	+2.143 ili 689,1%
Vozila javnog saobraćaja	---	1	-1
Sportski stadioni i dvorane	---	3	-3
Škole i školska dvorišta	1	---	+1
Trgovine i zanatske radnje	---	---	---
Ostala mjesta	8	11	-3 ili 27,3%
UKUPNO	2.469	342	+2.127 ili 621,9%

U odnosu na isti mjesec 2019. godine, znatno je povećan broj prekršaja evidentiranih na ulicama i drugim otvorenim prostorima za 2.143 ili 689,1%, a u školama i školskim dvorištima za jedan, dok je smanjen broj prekršaja u ugostiteljskim objektima za 10 ili 62,5%, na sportskim stadionima i dvoranama za tri, u vozilima javnog saobraćaja za jedan i na ostalim mjestima za tri ili 27,3%.

SAOBRAĆAJ

Na području Kantona Sarajevo u mjesecu aprilu 2020. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i nastradalim licima i broj povrijeđenih lica.

Registrovane su 524 saobraćajne nezgode (176 ili 25,1 % manje u odnosu na april prethodne godine), od čega je 478 sa materijalnom štetom (170 ili 26,2 % manje) i 46 sa nastradalim licima (šest ili 11,5 % manje).

Tokom mjeseca aprila 2020. godine, u saobraćajnim nezgodama na području Kantona Sarajevo jedno lice je poginulo (u istom mjesecu prošle godine nije bilo poginulih lica), dok je 55 lica povrijeđeno (devet ili 14,1 % manje), od čega šest teže i 49 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC APRIL 2020./19. GODINE

	april 2020.	april 2019.	+,-,%
UKUPNO SAOBRAĆAJNIH NEZGODA	524	700	- 176 ili 25,1 %
Saobraćajne nezgode sa nastradalim licima	46	52	- 6 ili 11,5 %
Saobraćajne nezgode sa materijalnom štetom	478	648	- 170 ili 26,2 %
POGINULO LICA	1	0	+ 1
- vozači	1	0	+ 1
-putnici	0	0	-----
- pješaci	0	0	-----
POVRIJEĐENO LICA	55	64	- 9 ili 14,1 %
- vozači	40	33	+ 7 ili 21,2 %
- putnici	10	18	- 8 ili 44,4 %
- pješaci	5	13	- 8 ili 61,5 %

U naselju je registrovano 506 saobraćajnih nezgoda (jedna sa poginulim, 41 sa povrijeđenim licima i 464 sa materijalnom štetom), van naselja 18 nezgoda (četiri sa povrijeđenim licima i 14 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU APRILU 2020. (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	5	36	464	506	1	6	42
van naselja			4	14	18			7
UKUPNO	1	5	40	478	524	1	6	49

Prema **kategoriji puta**, najveći broj saobraćajnih nezgoda registrovan je:

- na ulicama u naselju – 369 nezgoda (jedno lice poginulo, 24 lica povrijeđena, pet teže i 19 lakše),
- na magistralnim putevima – 73 (18 lica povrijeđeno, jedno teže i 17 lakše),
- na regionalnim putevima – 33 (tri lica lakše povrijeđena),
- na lokalnim putevima – osam nezgoda (bez nastradalih lica),
- na putevima koji se ubrajaju u kategoriju ostalih – 41. saobraćajna nezgoda (10 lica lakše povrijeđeno).

POSLJEDICE SAOBRAĆAJNIH NEZGODA

Tokom mjeseca aprila 2020. godine, u saobraćajnim nezgodama na području Kantona Sarajevo nastradalo je ukupno 56 lica (osam ili 12,5 % manje). Jedno lice je poginulo¹ (u istom mjesecu prošle godine nisu registrovana poginula lica), dok je 55 lica povrijeđeno (devet ili 14, 1 % manje), od čega šest teže i 49 lakše.

¹

STEPEN POVREDA UČESNIKA U SAOBRAĆAJNIM NEZGODAMA

- Vozači :
40 vozača povrijeđeno (tri teže, 37 lakše)
- Putnici:
10 putnika povrijeđeno (jedan teže, devet lakše)
- Pješaci:
Pet pješaka povrijeđeno (dva teže, tri lakše).

Starosna struktura nastradalih lica u saobraćajnim nezgodama je slijedeća:

- Do 17 godina – tri lica,
- Od 18 do 24 godine – 11,
- od 25 do 30 godina – 12,
- od 31 do 40 godina – 14,
- od 41 do 50 godina – devet,
- od 51 do 65 godina – šest,
- nepoznata starosna dob – jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – šest lica,
- od 23 do 30 godina – 11,
- od 30 do 40 godina – 12
- od 40 do 50 godina – sedam,
- od 50 do 60 godina – pet lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 448 (jedno lice poginulo, 45 lica povrijeđeno, tri teže i 42 lakše),
- neprilagođena brzina – 71 (devet lica povrijeđeno, dva teže i sedam lakše),
- uticaj alkohola – pet (jedno lice teže povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca aprila 2020. godine, policijski službenici Uprave policije MUP-a Kantona Sarajevo kontrolisali su:

- 8.384 vozila (9.131 manje),
- 3.529 lica u vozilima (1.950 manje),
- pregledali 153 vozila (58 manje) i 115 lica u tim vozilima (63 manje).

Zbog tehničke neispravnosti iz saobraćaja je isključeno jedno vozilo (38 manje), 62 vozača su zatečena da upravljaju vozilom pod dejstvom alkohola (201 manje), 104 bez korištenja sigurnosnog pojasa (129 manje), 154 bez položenog vozačkog ispita (15 više), 31 pod izrečenom zaštitnom mjerom (27 manje), 138 vozača je zatečeno da koriste mobitel tokom vožnje (161 manje) i 509 vozila je učestvovalo u saobraćaju bez važeće registracije (14 manje).

Zbog kršenja propisa iz oblasti sigurnosti saobraćaja uručen je 9.821 prekršajni nalog vozačima (7.200 ili 42,3 % manje u odnosu na april prošle godine) i podneseno 175 zahtjeva za pokretanje prekršajnog postupka (35 ili 25 % više).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca aprila 2020. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 1.996 prekršajnih naloga (4.080 manje), upozoreno je 136 vozača (178 manje), a specijalnim vozilom "pauk" premješteno je 19 vozila (148 manje).

Takođe, pješacima koji su kršili propise uručeno je šest prekršajnih naloga (325 manje), a upozorena su 43 pješaka (13 manje).

ZAKONITOST U RADU

Tokom mjeseca aprila 2020. godine, registrovan je jedan pojedinačni napad (tri manje) na policijskog službenika. Napadač je uz korištenje fizičke snage, policijskim službenicima prijetio nožem.

Registrovano je pet slučajeva opravdane upotrebe sile (isto kao u aprilu prošle godine).

Tokom mjeseca aprila 2020. godine, razmatrano je 29 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 11 predstavki (šest više) provede unutrašnja istraga. Za osam predstavki je odlučeno da se izvrše provjere i prikupi dokumentacija, za osam da su neosnovane, dok se za dvije predstavke Odbor proglasio nenadležnim, s obzirom da re radi o namještenicima.

Od ukupno 29 razmatranih predstavki, 25 je podneseno od strane građana, dok četiri predstavke predstavljaju saznanja iz službe.

Okončane su četiri unutrašnje istrage, među kojima su dvije oslobađajuće, jedna istraga je osnovana, dok je jedna obustavljena.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti, mjere i radnje, a koje su vezane za pandemiju „Korona virusa“. Vršen je obilazak lica kojima je od strane Kantonalne uprave za inspekcijske poslove izrečena mjera ograničenog kretanja (kućni karantin).

Kontinuirano je vršen obilazak vjerskih bogomolja zbog vjerskih praznika (Uskrs, Vaskrs, početak mjeseca Ramazana), kojom prilikom su ostvareni brojni kontakti sa vjerskim službenicima u vezi pandemije, a u cilju prevencije širenja zaraze.

Vršen je obilazak JU „Dom zdravlja Kantona Sarajevo“, pri čemu je posebna pažnja data obilasku trijažnih punktova i kontakta sa dežurnim medicinskim osobljem povodom pandemije, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

Tokom vršenja nadzora nad poštivanjem mjera, građanima je podijeljen veći broj zaštitnih maski u cilju prevencije širenja „Korona virusa“.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 3.148 migranta.

U mjesecu aprilu 2020. godine migranti su učestovali u sedam događaja sa obilježjem krivičnog djela i to:

- Ubistvo u pokušaju (čl. 166. u vezi člana 28. KZ FBiH) – jedan događaj,
- Učestvovanje u tuči (čl. 174. KZ FBiH) – jedan,
- Nasilje u porodici (čl.222. KZ FBiH) – jedan,
- Posjedovanje i omogućavanje uživanja opojnih droga (čl.239 KZ FBiH) - jedan
- Razbojništvo (čl. 289. KZ FBiH) – jedan
- Oštećenje tuđe stvari (čl. 293. KZ FBiH)- jedan i
- Nasilničko ponašanje (čl. 362. KZ FBiH) - jedan događaj.

Tokom mjeseca aprila 2020. godine, službenici policije kontrolisali su 473 migranta, od čega 325 nisu posjedovali registrovani obrazac, 17 je upućeno službi za poslove sa strancima radi registracije, 427 migranata je smješteno u imigracione centre i nad sedam migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 22 akcije) na području Kantona Sarajevo, u mjesecu aprilu 2020. godine, policijski službenici Uprave policije MUP-a Kantona Sarajevo pronašli su ukupno 125 migranta.

Kad su u pitanju pritužbe na ponašanje migranata, od ukupno 66 evidentiranih pritužbi, tri su zbog događaja sa obilježjem krivičnog djela, tri zbog narušavanja javnog reda i mira, jedna zbog okupljanja i 59 ostalih pritužbi.

Takođe, redovno su sačinjavane informacije, procjene i analize vezane za navedenu problematiku.

Sarajevo, 14.05.2020. godine

Odjeljenje za odnose s javnošću